

EUSKARA IKASTAROAK

2013ko UDA

ESKOLA ESKAERAK BIDERATZEKO JARRAIBIDEAK

www.ivap.euskadi.net

**AGIRI HAU ZUZENDUTA DAGO IVAP-EKIN HIZKUNTZA
PRESTAKUNTZARI BURUZKO HITZARMENA¹ DUTEN ERAKUNDEEI**

¹ IVAPekiko lankidetza-hitzarmena honako arau honetan jasotzen da: 2005eko azaroaren 30eko AGINDUA, Ogasun eta Herri Administrazio sailburuarena. EHAA: 2005-12-19 zk. 239

UDAKO IKASTAROAK 2013 **(uztaila / abuztua / iraila)**

1.- Udako euskara ikastaroen helburua

Ikasleek 2012-2013 ikasturtean egindakoa finkatu eta sendotzeko helburuz eskaintzen ditu IVAPek udako euskara ikastaroak.

Udako ikastaroen deialdi honetan eskaintzen den hizkuntza-prestakuntza IVAPek finantzatuko du horretarako duen aurrekontuaren bidez. Aurrekontua nahikoa ez balitz, IVAPek 2005eko azaroaren 30eko Aginduaren 3. artikuluan aurreikusitako lehentasun irizpideak jarraituko ditu.

2.- Nork egin dezake udako ikastaroa?

IVAPekin hizkuntza-prestakuntzarako lankidetzaren hitzarmena sinatuta duten herri-administrazioetako langileek eskatu ahal dituzte udako ikastaroak.

3.- Udako ikastaroek bete beharreko baldintzak

- Ikastaroak HABEk homologatuak izan behar dira.
- Euskaltegi publikoek edo pribatu homologatuek eman behar dituzte.
- Gutxienez **80 ordukoak** izan behar dute.
- **EZ** da onartuko autoikaskuntza bidezko ikastarorik.

4.- Eskabideak egiteko prozedura

Pertsona bakoitzak, gehienez, hiru ikastaro eskatu ahal izango ditu. Eta eskaera-orriak helbide elektronikoa honetan egongo dira eskuragarri:

www.ivap.euskadi.net

(euskara >euskara ikastaroak >udako ikastaroak>izena emateko inprimakia)

Erakunde bakoitzak IVAPera bidali behar ditu baimendutako bere langileen eskaera-orriak, hurrengo helbide honetara: Donostia-San Sebastián kalea, 1 - 01010 Vitoria-Gasteiz.

Baimendutako eskaerak IVAPera helarazteko epea hurrengo hau da: **apirilaren 30etik maiatzaren 31ra**.

5.- Ordu-kreditua udako ikastaroetan

2005eko azaroaren 30eko Aginduari jarraiki, jarraibide hauetara biltzen diren eskariak ordu-kredituen sistema izango dute ezarria.

Agindu horren 6. artikulua arabera, euskara ikastaroa hasi ahal izateko, beharrezkoa izango da ordu-kredituaren saldoa aldekoa izatea ikasturtearen hasieran.

Horiek horrela, IVAPek ordu-kredituaren kontrola modu honetan aplikatuko du udako ikastaroetan:

- 2012-2013 ikasturtea urrian hasi zuten ikasleei ikasturtea hasi aurretik aplikatu zitzairen ordu-kredituaren kontrola; beraz, udako deialdian ez zaie berriro aplikatuko. Ondorioz, ikasturtea urrian hasi zuten ikasleek udako deialdian parte hartu ahal izango dute nahiz eta udako eskaera egiten dutenean ordu-kreditua negatiboa izan. Edozelan ere, udako ikastaroetan emandako orduak ordu-kreditutik kenduko dira, ikasturtean zehar emandako gainerakoak bezalaxe.

- 2012-2013 ikasturtea otsailean hasi zuten ikasleei otsaileko ikastaroa hasi baino lehen aplikatu zitzairen ordu-kredituaren kontrola; beraz, udako deialdian ez zaie berriro aplikatuko. Ondorioz, ikasturtea otsailean hasi zuten ikasleek udako deialdian parte hartu ahal izango dute nahiz eta udako eskaera egiten dutenean ordu-kreditua negatiboa izan. Edozelan ere, udako ikastaroetan emandako orduak ordu-kreditutik kenduko dira, ikasturtean zehar emandako gainerakoak bezalaxe.

- Azkenik, 2012-2013 ikasturtea udako ikastaro hauen bitartez hasiko duten ikasleei eskaera egin orduko aplikatuko zaie ordu-kredituaren kontrola, eta saldo negatiboa dutenak ezin izango dira eskolan hasi. Hau da, ikasle horiek udako ikastaroa egin ahal izateko, aldeko saldoa izan beharko dute; bestela, IVAPek bazter utziko du eskaera. Aurreko kasuetan bezala, udako ikastaroetan emandako orduak ordu-kreditutik kenduko dira.

6.- Udako ikastaroen antolamendua

- Baldintzak betetzen ez dituzten eskaerak ukatu egingo ditu IVAPek, eta erakundeei ukapenaren berri emango die, arrazoiak azalduz.
- Baldintzak betetzen dituzten eskaeren kasuan, aldiz, IVAPek langileentzako **matrikula orriak** bidaliko ditu erakundera. Interesatuak eurak matrikulatuko dira aukeratzen duten euskaltegian. Horretarako, matrikula orria aurkeztu beharko dute euskaltegian.
- Langilea inon matrikulatzen ez bada, ahalik eta lasterren itzuli beharko du matrikula orria IVAPera.
- Normalean, euskaltegi bakoitzak bere eskaintza berezitua egiten du: egutegiak, iraupena, ikasgelak etab. Tokiari dagokionez ere, ikastaro batzuk euskaltegietan bertan ematen dira; eta, beste batzuk, aldiz, bestelako etxe edo herrietan.
- Datorren 2013-2014 ikasturtean administrazioko ikastaldeak osatzeari begira, oro har ez da kontuan hartuko udako ikastaroan langileak egin duen urratsa; kontuan hartuko da 2012-2013 ikasturte honetan gainditu duen azken urratsa.

7.- Matrikularen ordainketa

Langileek ez dute matrikularik ordaindu behar. IVAPek hartuko du bere gain ikastaroen matrikularen kostua, eta, barnetegien kasuan, baita ostatua eta mantenua ere. Alabaina, IVAPek ez ditu bere gain hartuko bestelako gastuak, hala nola, ordezkapenatarako gastuak, joan-etorriek eragindakoak, materialak...

8.- Ikasleei buruzko informazioa eta datuen babesa

Euskara ikastaroa kudeatu ahal izateko ezinbestekoa da ikasleei buruzko hainbat datu pertsonal jasotzea, tratatzea, fitxategi batean biltzea eta dagokion sailari lagatzea. Horrela, IVAPek lanorduetan nahiz lanorduz kanpo ari diren ikasleen asistentzia eta ebaluazio datuak jasoko ditu, eta erakunde bakoitzari bere ikasleei dagozkienak jakinaraziko dizkio.

Lankidetza Hitzarmenaren ondorioz jasoko diren datu pertsonalen tratamendua, bai Datu Pertsonalak Babesteari buruzko abenduaren 13ko 15/1999 Lege Organikoak, bai datu pertsonalak gordetzen dituzten fitxategi automatizatuen segurtasun-neurrien Araudiak (ekainaren 11ko 994/1999 Errege-dekretuaren bidez onartutakoa) xedatutakoaren arabera egingo da.

Lankidetza Hitzarmenera biltzen diren langileek onartu egiten dute bertan ezarritako helburuak betetzeko jasoko diren datu pertsonalen tratamendua. Horrela, onartu egiten dute IVAPek datuak jasotzea eta dagozkien erakundeei jakinaraztea bai euren asistentziari eta ebaluazioari dagokienez, eta baita euren aprobetxamenduari buruzko txostenei dagokienez ere. Onartu egiten dute baita ere, datu-lagapenak egitea Kultura Saileko Hizkuntza Politikarako Sailburuordetzari, normalkuntza planaren betetze maila ebaluatzeko txostenak egin ditzan, (Euskal Autonomia Erkidegoko herri-administrazioetan euskararen erabilera normalizatzeko prozesua arautzen duen apirilaren 15eko 86/1997 Dekretuaren 6. art.). Onartu egiten dute, azkenik, datu-lagapenak egitea Helduen Alfabetatze eta Berreuskalduntzeko Erakundeari – HABEri–, (Euskal Autonomia Erkidegoko herri-administrazioetan euskararen erabilera normalizatzeko prozesua arautzen duen apirilaren 15eko 86/1997 Dekretuaren seigarren xedapen gehigarrian ezarritakoaren arabera).

Ikasleei buruzko datu-pertsonalak Datuak Babesteko Agentzian erregistratutako “Funtzionarioak euskalduntzea” izeneko fitxategian egongo dira. Ikasleek Fitxategiko datuetara sartzeko, datuok aldatu eta deuseztatzeko eskubidea erabili nahi izanez gero, IVAPeko Idazkaritza Nagusira jo dezakete: Donostia-San Sebastián kalea, 1; 01010 Vitoria-Gasteiz.